

御製大悲總持經呪序

能三

朕聞觀自在菩薩誓願入微塵國土拯拔一切有情離諸苦趣故說是無量功德總持經呪世間善男子善女人一切衆生秉心至誠持誦佩服此經呪者種種惡趣種種苦害咸相遠離咸得圓融超登妙道若此海波露濡下風吹觸業釋障消獲是勝果非但耳之所聞實目之所觀明効大驗者也若智慧福德之士根器深厚堅持佩誦勤行不輟又能廣爲演說是經呪功德不可思議若薄福不信

能三

者亦心生信解亦得同超佛境真實不虛夫觀世音誓願弘深發大悲心以濟度羣生朕君臨天下閱衆情之昏瞽墮五濁而不知以此經呪用是方便覺悟提撕俾一切庶類皆超佛域又況如來化導首重忠孝凡忠臣孝子能盡心以事君竭力以事親所作所爲無私智陂行廣積陰功濟人利物又能持誦是經呪則跬步之間即見如來若彼不忠不孝不知敬畏則鬼神所錄陰加譴罰轉眄之間即成地獄蓋善惡兩途由人所趨凡我衆庶

永樂北藏

千手千眼大悲心經

第四五冊

宜慎取舍書此以爲勸

永樂九年六月 口

千手千眼觀世音菩薩廣大圓滿無礙大悲
心陀羅尼經

唐西天竺沙門伽梵達摩譯

如是我聞一時釋迦牟尼佛在補陀落迦山
觀世音宮殿寶莊嚴道場中坐寶師子座其

座純以無量雜摩尼寶而用莊嚴百寶幢幡
周帀懸列爾時如來於彼座上將欲演說總
持陀羅尼故與無央數菩薩摩訶薩俱其名
曰總持王菩薩寶王菩薩藥王菩薩藥上菩
薩觀世音菩薩大勢至菩薩華嚴菩薩大莊
嚴菩薩寶藏菩薩德藏菩薩金剛藏菩薩虛
空藏菩薩彌勒菩薩普賢菩薩文殊師利菩
薩如是等菩薩摩訶薩皆是灌頂大法王子
又與無量無數大聲聞僧皆行阿羅漢十地
摩訶迦葉而爲上首又與無量梵摩羅天善

吒梵摩而爲上首又與無量欲界諸天子俱
瞿婆伽天子而爲上首又與無量護世四王
俱提頭賴吒而爲上首又與無量天龍夜叉
乾闥婆阿脩羅迦樓羅緊那羅摩睺羅伽人
非人等俱天德大龍王而爲上首又與無量
欲界諸天女俱童目天女而爲上首又與無
量虛空神江海神泉源神河沼神藥草神樹
林神舍宅神水神火神地神風神土神山神
石神宮殿等神皆來集會時觀世音菩薩於
大會中密放神通光明照耀十方刹土及此

三千大千世界皆作金色天宮龍宮諸尊神
宮皆悉震動江河大海鐵圍山須彌山土山
黑山亦皆大動日月珠火星宿之光皆悉不
現於是總持王菩薩見此希有之相怪未曾
有即從座起叉手合掌以偈問佛如此神通
之相是誰所放以偈問曰

能三

三

誰於今日成正覺 普放如是大光明
十方刹土皆金色 三千世界亦復然
誰於今日得自在 演放希有大神力
無邊佛國皆震動 龍神宮殿悉不安

今此大衆咸有疑 不測因緣是誰力
爲佛菩薩大聲聞 爲梵魔天諸釋等
唯願世尊大慈悲 說此神通所由以
佛告總持王菩薩言善男子汝等當知今此
會中有一菩薩摩訶薩名曰觀世音自在從
無量劫來成就大慈大悲善能修習無量陀
羅尼門爲欲安樂諸衆生故密放如是大神
通力佛說是語已爾時觀世音菩薩從座而
起整理衣服向佛合掌白佛言世尊我有大
悲心陀羅尼呪今當欲說爲諸衆生得安樂

故除一切病故得壽命故得富饒故滅除一
切惡業重罪故離障難故增長一切白法諸
功德故成就一切諸善根故遠離一切諸怖
畏故速能滿足一切諸希求故唯願世尊慈
哀聽許佛言善男子汝大慈悲安樂衆生欲
說神呪今正是時宜應速說如來隨喜諸佛
亦然觀世音菩薩重白佛言世尊我念過去
無量億劫有佛出世名曰千光王靜住如來
彼佛世尊憐念我故及爲一切諸衆生故說
此廣大圓滿無礙大悲心陀羅尼以金色手

摩我頂上作如是言善男子汝當持此心呪
普爲未來惡世一切衆生作大利樂我於是
時始住初地一聞此呪故超第八地我時心
歡喜故即發誓言若我當來堪能利益安樂
一切衆生者令我即時身生千手千眼具足
發是願已應時身上千手千眼悉皆具足十
方大地六種震動十方千佛悉放光明照觸
我身及照十方無邊世界從是已後復於無
量佛所無量會中重更得聞親承受持是陀
羅尼復生歡喜踊躍無量便得超越無數億

劫微細生死從是已來常所誦持未曾廢忘
由持此呪故所生之處恒在佛前蓮華化生
不受胎藏之身若有比丘比丘尼優婆塞優
婆夷童男童女欲誦持者於諸衆生起慈悲
心先當從我發如是願

南無大悲觀世音 願我速知一切法
南無大悲觀世音 願我早得智慧眼
南無大悲觀世音 願我速度一切衆
南無大悲觀世音 願我早得善方便
南無大悲觀世音 願我速乘般若船

南無大悲觀世音 願我早得越苦海
南無大悲觀世音 願我速得戒定道
南無大悲觀世音 願我早登涅槃山
南無大悲觀世音 願我速會無為舍
南無大悲觀世音 願我早同法性身

能三

五

我若向刀山 刀山自摧折 我若向火湯
火湯自消滅 我若向地獄 地獄自枯竭
我若向餓鬼 餓鬼自飽滿 我若向脩羅
惡心自調伏 我若向畜生 自得大智慧
發是願已至心稱念我之名字亦應專念我

本師阿彌陀如來然後即當誦此陀羅尼神
呪一宿誦滿五遍除滅身中百千萬億劫生
死重罪觀世音菩薩復白佛言世尊若諸人
天誦持大悲章句者臨命終時十方諸佛皆
來授手欲生何等佛土隨願皆得往生復白
佛言世尊若諸衆生誦持大悲神呪墮三惡
道者我誓不成正覺誦持大悲神呪者若不
生諸佛國者我誓不成正覺誦持大悲神呪
者若不得無量三昧辯才者我誓不成正覺
誦持大悲神呪者於現在生中一切所求若

不果遂者不得為大悲心陀羅尼也唯除不善除不至誠若諸女人厭賤女身欲成男子身誦持大悲陀羅尼章句若不轉女身成男子身者我誓不成正覺生少疑心者必不果遂也若諸衆生侵損常住飲食財物千佛出世不通懺悔縱懺亦不除滅今誦大悲神呪即得除滅若侵損食用常住飲食財物要對十方師懺謝然始除滅今誦大悲陀羅尼時十方師即來為作證明一切罪障悉皆消滅一切十惡五逆謗人謗法破齋破戒破塔壞

寺偷僧祇物汙淨梵行如是等一切惡業重罪悉皆滅盡唯除一事於呪生疑者乃至小罪輕業亦不得滅何況重罪雖不即滅重罪猶能速作菩提之因復白佛言世尊若諸人天誦持大悲心呪者得十五種善生不受十第三五種惡死也其惡死者一者不令其飢餓困六苦死二者不為枷禁杖楚死三者不為怨家讎對死四者不為軍陣相殺死五者不為虎狼惡獸殘害死六者不為毒蛇蜈蚣所中死七者不為水火焚漂死八者不為毒藥所中

死九者不爲蠱毒害死十者不爲狂亂失念
死十一者不爲山樹崖岸墜落死十二者不
爲惡人厭魅死十三者不爲邪神惡鬼得便
死十四者不爲惡病纏身死十五者不爲非
分自害死誦持大悲神呪者不被如是十五
種惡死也得十五種善生者一者所生之處
常逢善王二者常生善國三者常值好時四
者常逢善友五者身根常得具足六者道心
純熟七者不犯禁戒八者所有眷屬恩義和
順九者資具財食常得豐足十者恒得他人

恭敬扶接十一者所有財寶無他劫奪十二
者意欲所求皆悉稱遂十三者龍天善神恒
常擁衛十四者所生之處見佛聞法十五者
所聞正法悟甚深義若有誦持大悲心陀羅
尼者得如是等十五種善生也一切天人應
常誦持勿生懈怠能三觀世音菩薩說是語已於
衆會前合掌正住於諸衆生起大悲心開顏
含笑即說如是廣大圓滿無礙大悲心大陀
羅尼神妙章句陀羅尼曰
南無喝囉怛那哆囉夜哪一南無阿唎哪二

婆盧羯帝爍鉢囉耶三菩提薩跢婆耶四摩訶薩跢婆耶五摩訶迦盧尼迦耶六唵七聲
薩幡囉罰曳八數怛那怛寫九南無悉吉利
埵伊蒙阿唎耶十婆盧吉帝室佛囉嚩馱婆
一南無那囉謹墀二醯唎摩訶幡多沙哆羊鳴
三音十薩婆阿他豆輸朋四阿逝孕五薩婆薩
哆那摩婆伽十摩罰特豆七怛姪他八唵阿
婆盧醯九盧迦帝十二迦羅帝二十夷醯唎十二
二摩訶菩提薩埵三薩婆薩婆四摩羅
摩羅五摩醯摩醯唎馱孕六俱盧俱盧

羯蒙七度盧度盧罰闍耶帝八摩訶罰
闍耶帝九陀羅陀羅三地利尼三十室佛
囉耶三十遮羅遮羅三十摩摩罰摩囉四十
穆帝囉五十伊醯移醯三十室那室那三十
阿囉嚩佛囉舍利三十罰沙罰參三十佛羅
舍耶四十呼嚧呼嚧摩囉一呼嚧呼嚧醯利
二娑囉娑囉四十悉利悉利四十蘇嚧蘇
嚧四十菩提夜菩提夜四十菩馱夜菩馱夜
四十彌帝利夜四十那囉謹墀四十地利瑟
尼那五十波夜摩那五十娑婆訶五十悉陀夜

五十 娑婆訶 五十 摩訶悉陀夜 五十 娑婆訶
三十 悉陀喻藝 五十 室瞞囉耶 五十 娑婆訶
五十 那囉謹墀 六十 娑婆訶 六十 摩囉那囉
二 娑婆訶 六十 悉囉僧阿穆佉耶 四十 娑婆
訶 六十 娑婆摩訶阿悉陀夜 六十 娑婆訶 六十
七 者吉囉阿悉陀夜 六十 娑婆訶 六十 波陀
摩羯悉哆夜 七十 娑婆訶 七十 那囉謹墀瞞伽
囉哪 七十 娑婆訶 七十 摩婆利勝羯囉夜 七十
四 娑婆訶 七十 南無喝囉怛那哆囉夜耶 七十
六 南無阿唎哪 七十 娑嚧吉帝 八十 爍瞞囉

夜 七十 娑婆訶 八十 唵悉殿都曼哆囉鉢馱耶
八十 娑婆訶 八十
觀世音菩薩說此呪已大地六變震動天雨
寶華繽紛而下十方諸佛悉皆歡喜天魔外
道恐怖毛豎一切衆會皆獲果證或得須陀
洹果或得斯陀含果或得阿那含果或得阿
羅漢果者或得一地二地三地四地五地乃
至十地者無量衆生發菩提心
爾時大梵天王從座而起整理衣服合掌恭
敬白觀世音菩薩言善哉大士我從昔來經

無量佛會聞種種法種種陀羅尼未曾聞說
如此無礙大悲心大悲陀羅尼神妙章句唯
願大士爲我說此陀羅尼形貌狀相我等大
衆願樂欲聞觀世音菩薩告梵王言汝爲方
便利益一切衆生故作如是問汝今善聽吾
爲汝等略說少耳觀世音菩薩言大慈悲心
是平等心是無爲心是無染著心是空觀心
是恭敬心是卑下心是無雜亂心無見取心
是無上菩提心是當知如是等心即是陀羅
尼相貌汝當依此而修行之大梵王言我等

候三

九

大衆今始識此陀羅尼相貌從今受持不敢
忘失觀世音言若善男子善女人誦持此神
呪者發廣大菩提心誓度一切衆生身持齋
戒於諸衆生起平等心常誦此呪莫令斷絕
住於淨室澡浴清淨著淨衣服懸旛然燈香
華百味飲食以用供養制心一處更莫異緣
如法誦持是時當有日光菩薩月光菩薩與
無量神仙來爲作證益其効驗我時當以千
眼照見千手護持從是以往所是世間經書
悉能受持一切外道法術韋陀典籍亦能通

達誦持此神呪者世間八萬四千種病悉皆
治之無不差者亦能使令一切鬼神降諸天
魔制諸外道若在山野誦經坐禪有諸山精
雜魅魍魎鬼神橫相惱亂心不安定者誦此
呪一遍是諸鬼神悉皆被縛也若能如法誦
持於諸衆生起慈悲心者我時當勅一切善
神龍王金剛密跡常隨衛護不離其側如護
眼睛如護已命說偈勅曰

我遣密跡金剛士 烏芻君荼鴛俱尸
八部力士賞迦羅 常當擁護受持者

我遣摩醯那羅延 金毗羅陀迦毗羅
常當擁護受持者 我遣婆馱娑樓羅
滿善車鉢真陀羅 常當擁護受持者
我遣薩遮摩和羅 鳩闌單吒半祇羅
常當擁護受持者 我遣畢婆伽羅王
應德毗多薩和羅 常當擁護受持者
我遣梵摩三鉢羅 五部淨居炎摩羅
常當擁護受持者 我遣釋王三十三
大辯功德婆怛那 常當擁護受持者
我遣提頭賴吒王 神母女等大力衆

常當擁護受持者 我遣毗樓勒叉王
毗樓博叉毗沙門 常當擁護受持者
我遣金色孔雀王 二十八部大仙衆
常當擁護受持者 我遣摩尼跋陀羅
散支大將弗羅婆 常當擁護受持者
我遣難陀跋難陀 婆伽羅龍伊鉢羅
常當擁護受持者 我遣脩羅乾闥婆
迦樓緊那摩睺羅 常當擁護受持者
我遣水火雷電神 鳩槃荼王毗舍闍
常當擁護受持者

是諸善神及神龍王神母女等各有五百眷
屬大力夜叉常隨擁護誦持大悲神呪者其
人若在空中曠野獨宿孤眠是諸善神番代
宿衛辟除災障若在深山迷失道路誦此呪
故善神龍王化作善人示其正道若在山林
能三曠野乏少水火龍王護故化出水火觀世音
菩薩復爲誦持者說消除災禍清涼之偈
若行曠野山澤中 逢值虎狼諸惡獸
蛇虺精魅魍魎鬼 聞誦此呪莫能害
若行江湖滄海間 毒龍蛟龍摩竭獸

永樂北藏

千手千眼大悲心經

第四五冊

夜叉羅刹魚鼈
聞誦此呪自藏隱
若逢軍陣賊圍繞
或被惡人奪財寶
至誠稱誦大悲呪
彼起慈心復道歸
若爲王官枚錄身
囹圄禁閉枷鎖
至誠稱誦大悲呪
官自開恩釋放還
若入野道蠱毒家
飲食有藥欲相害
至誠稱誦大悲呪
毒藥變成甘露漿
女人臨難生產時
邪魔遮障苦難忍
至心稱誦大悲呪
鬼神退散安樂生
惡龍疫鬼行毒氣
熱病侵陵命欲終

至心稱誦大悲呪
疫病消除壽命長
龍鬼流行諸毒腫
癰瘡膿血痛叵堪
至心稱誦大悲呪
三唾毒腫隨口消
衆生濁惡起不善
厭魅呪詛結怨讎
至心稱誦大悲呪
厭魅還著於本人
惡生濁亂法滅時
姪欲火盛心迷倒
棄背妻壻外貪染
晝夜邪思無暫停
若能稱誦大悲呪
姪欲火滅邪心除
我若廣讚呪功力
一劫稱揚無盡期
爾時觀世音菩薩告梵天言誦此呪五遍取

五色線作索呪二十一遍結作二十一結繫
項此陀羅尼是過去九十九億恒河沙諸佛
所說彼等諸佛爲諸行人修行六度未滿足
者速令滿足故未發菩提心者速令發心故
若聲聞人未證果者速令證故若三千大千
世界內諸神仙人未發無上菩提心者令速
發心故若諸衆生未得大乘信根者以此陀
羅尼威神力故令其大乘種子法芽增長以
我方便慈悲力故令其所須皆得成辦又三
千大千世界幽隱闇處三塗衆生聞我此呪

皆得離苦有諸菩薩未階初住者速令得故
乃至令得十住地故又令得到佛地故自然
成就三十二相八十隨形好若聲聞人聞此
陀羅尼一經耳者修行書寫此陀羅尼者以
質直心如法而住者四沙門果不求自得若
三千大千世界內山河石壁四大海水能令
涌沸須彌山及鐵圍山能令搖動又令碎如
微塵其中衆生悉令發無上菩提心若諸衆
生現世求願者於三七日淨持齋戒誦此陀
羅尼必果所願從生死際至生死際一切惡

業並皆滅盡三千大千世界內一切諸佛菩薩梵釋四天王神仙龍王悉皆證知若諸人天誦持此陀羅尼者其人若在江河大海中沐浴其中衆生得此人浴身之水霑著其身一切惡業重罪悉皆消滅即得轉生他方淨土蓮華化生不受胎身濕卵之身何況受持誦誦者若誦持者行於道路大風時來吹此人身毛髮衣服餘風下過諸類衆生得其人飄身風吹著身者一切重障惡業並皆滅盡更不受三惡道報常生佛前當知受持者福

能三

十三

德果報不可思議誦持此陀羅尼者口中所出言音若善若惡一切天魔外道天龍鬼神聞者皆是清淨法音皆於其人起恭敬心尊重如佛誦持此陀羅尼者當知其人即是佛身藏九十九億恒河沙諸佛所愛惜故當知其人即是光明身一切如來光明照故當知其人慈悲藏恒以陀羅尼救衆生故當知其人是妙法藏普攝一切諸陀羅尼門故當知其人是禪定藏百十三昧常現前故當知其人是虛空藏常以空慧觀衆生故當知其

人是無畏藏龍天善神常護持故當知其人是妙語藏口中陀羅尼音無斷絕故當知其人是常住藏三災惡劫不能壞故當知其人是解脫藏天魔外道不能稽留故當知其人是藥王藏常以陀羅尼療衆生病故當知其人是神通藏遊諸佛國得自在故其人功德讚不可盡善男子若復有人厭世間苦求長生樂者在閑淨處清淨結界呪衣著若水若食若香若藥皆呪一百八遍服必得長命若能如法結界依法受持一切成就其結界法

者取刀呪二十一遍劃地爲界或取淨水呪二十一遍散著四方爲界或取白芥子呪二十一遍擲著四方爲界或以想到處爲界或取淨灰呪二十一遍爲界或呪五色線二十一遍圍繞四邊爲界皆得若能如法受持自然剋果若聞此陀羅尼名字者尚滅無量劫生死重罪何況誦持者若得此神呪誦者當知其人已曾供養無量諸佛廣種善根若能爲諸衆生拔其苦難如法誦持者當知其入即是具大悲者成佛不久所見衆生皆悉爲

龍三

十四

誦令彼耳聞與作菩提因是人功德無量無邊讚不可盡若能精誠用心身持齋戒爲一切衆生懺悔先業之罪亦自懺謝無量劫來種種惡業口中馭馭誦此陀羅尼聲聲不絕者四沙門果此生即證其利根有慧觀方便者十地果位剋獲不難何況世間小小福報所有求願無不果遂者也若欲使鬼者取野鬪體淨洗於千眼像前設壇場以種種香華飲食祭之日日如是七日必來現身隨人使令若欲使四天王者咒檀香燒之由此菩薩

大悲願力深重故亦爲此陀羅尼威神廣大故佛告阿難若有國土災難起時是土國王若以正法治國寬縱人物不枉衆生赦諸有過七日七夜身心精進誦持如是大悲心陀羅尼神呪令彼國土一切災難悉皆除滅五穀豐登萬姓安樂又若爲於他國怨敵數來侵擾百姓不安大臣謀叛疫氣流行水旱不調日月失度如是種種災難起時當造千眼大悲心像面向西方以種種香華幢幡寶蓋或百味飲食至心供養其王又能七日七夜

身心精進誦持如是陀羅尼神妙章句外國
怨敵即自降伏各還政治不相擾惱國土通
同慈心相向王子百官皆行忠赤妃后姝女
孝敬向王諸龍鬼神擁護其國雨澤順時果
實豐饒人民歡樂又若家內遇大惡病百怪
競起鬼神邪魔耗亂其家惡人橫造口舌以
相謀害室家大小內外不和者當向千眼大
悲像前設其壇場至心念觀世音菩薩誦此
陀羅尼滿其千遍如上惡事悉皆消滅永得
安隱

阿難白佛言世尊此呪名何云何受持佛告
阿難如是神呪有種種名一名廣大圓滿一
名無礙大悲一名救苦陀羅尼一名延壽陀
羅尼一名滅惡趣陀羅尼一名破惡業障陀
羅尼一名滿願陀羅尼一名隨心自在陀羅
尼一名速超上地陀羅尼如是受持阿難白
佛言世尊此菩薩摩訶薩名字何等善能宣
說如是陀羅尼佛言此菩薩名觀世音自在
亦名撚索亦名千光眼善男子此觀世音菩
薩不可思議威神之力已於過去無量劫中

已作佛竟號正法明如來大悲願力為欲發起一切菩薩安樂成熟諸衆生故現作菩薩汝等大衆諸菩薩摩訶薩梵釋龍神皆應恭敬莫生輕慢一切人天常須供養專稱名號得無量福滅無量罪命終往生阿彌陀佛國

統三

十六

佛告阿難此觀世音菩薩所說神呪真實不虛若欲請此菩薩來呪拙具羅香三七遍燒菩薩即來

拙具羅香安息香也

若有猫兒所著者取弭

哩吒那

死猫兒頭骨也

燒作灰和淨土泥捻作猫兒

形於千眼像前呪鎖鐵刀子一百八遍段段

割之亦一百八段遍遍一呪一稱彼名即永差不著若為蠱毒所害者取藥劫布羅龍腦香也和拙具羅香各等分以井華水一升和煎取一升於千眼像前呪一百八遍服即差若為惡蛇蠍所螫者取乾薑末呪一七遍著瘡中立即除差若為惡怨橫相謀害者取淨土或麵或蠟捻作本形於千眼像前呪鎖鐵刀一百八遍一呪一截一稱彼名燒盡一百八段彼即歡喜終身厚重相愛敬若有患眼睛壞者若青盲眼暗者若白暈赤膜無光明者取

訶梨勒果菴摩勒果鞞醯勒果三種各一顆
擣破細研當研時唯須護淨莫使新產婦人
及猪狗見口中念佛以白蜜若人乳汁和封
眼中著其人乳要須男孩子母乳女母乳不
成其藥和竟還須千眼像前能三呪一千八遍著
眼中滿七日在深室慎風眼睛還生青盲白
暈者光奇盛也若患瘡病著者取虎豹豺狼
皮呪三七遍披著身上即差師子皮最上若
被蛇螫取被螫人結臍呪三七遍著瘡中即
差若患惡瘡入心悶絕欲死者取桃膠一顆

大小亦如桃顆清水一升和煎取半升呪七
遍頓服盡即差其藥莫使婦人煎若患傳屍
鬼氣伏屍連病者取拙具羅香呪三七遍燒
熏鼻孔中又取七丸如兔糞呪三七遍吞即
差慎酒肉五辛及惡罵若取摩那屎羅雄黃是也
和白芥子印成鹽呪三七遍於病兒牀下燒
其作病兒即魔掣迸走不敢住也若患耳聾
者呪胡麻油著耳中即差若患一邊偏風耳
鼻不通手脚不隨者取胡麻油煎青木香呪
三七遍摩拭身上永得除差又方取純牛酥

呪三七遍摩亦差若患難產者取胡麻油呪
三七遍摩產婦齋中及玉門中即易生若婦
人懷妊子死腹中取阿波末利伽草牛膝一
草也
大兩清水二升和煎取一升呪三七遍服即
出一無苦痛胎衣不出者亦服此藥即差若
卒患心痛不可忍者名遁屍症取君柱魯香
熏陸乳頭成者一顆呪三七遍口中嚼咽不
限多少令變吐即差慎五辛酒肉若被火燒
瘡取熱瞿摩夷鳥牛屎也呪三七遍塗瘡上即差
若患蛔蟲齧心取骨魯末白馬屎也遮白馬屎也半升呪三

七遍服即差重者一升蟲如絛索出來若患
丁瘡者取凌銷葉擣取汁呪三七遍溼著瘡
上即拔根出立差若患蠅螫眼中骨魯怛佉
新鹽屎也濾取汁呪三七遍夜卧著眼中即差若
患腹中痛和井華水和印成鹽三七顆呪三
十八
七遍服半升即差若患赤眼者及眼中有努
肉及有翳者取奢奢彌葉苟杞葉也擣濾取汁呪
三七遍浸青錢一宿更呪七遍著眼中即差
若患畏夜不安恐怖出入驚怕者取白線作
索呪三七遍作二十一結繫項恐怖即除非

但除怖亦得滅罪若家內橫起災難者取石榴枝寸截一千八段兩頭塗酥酪蜜一呪一燒盡千八遍一切災難悉皆除滅要在佛前作之若取白菖蒲呪三七遍繫著右臂上一切闕處論義處皆得勝他若取奢奢彌葉枝柯寸截兩頭塗真牛酥白蜜牛酥一呪一燒盡一千八段日別三時時別一千八遍滿七日呪師自悟通智也若欲降伏大力鬼神者取阿剌瑟迦柴木患子也呪七七遍火中燒還須塗酥酪蜜要須於大悲心像前作之若取胡

盧遮那是牛黃也一大兩著瑠璃瓶中置大悲心像前呪一百八遍塗身點額一切天龍鬼神人及非人皆悉歡喜也若有身被枷鎖者取白鴿糞呪一百八遍塗於手上用摩枷鎖枷鎖自脫也若有夫婦不和狀如水火者取鴛鴦尾於大悲心像前呪一千八遍能三十九帶彼即終身歡喜相愛敬若有被蟲食田苗及五果子者取淨灰淨沙或淨水呪三七遍散田苗四邊蟲即退散也果樹兼呪水灑著樹上蟲不敢食果也佛告阿難若為富饒種種珍寶資

具者當於如意珠手若為種種不安求安隱者當於繖索手若為腹中諸病當於寶鉢手若為降伏一切魍魎鬼神者當於寶劍手若為降伏一切天魔神者當於跋折羅手若為摧伏一切怨敵者當於金剛杵手若為一切處怖畏不安者當於施無畏手若為眼闇無光明者當於日精摩尼手若為熱毒病求清涼者當於月精摩尼手若為榮官益職者當於寶弓手若為諸善朋友早相逢者當於寶箭手若為身上種種病者當於楊枝手若為

除身上惡障難者當於白拂手若為一切善和眷屬者當於胡瓶手若為辟除一切虎狼豺豹諸惡獸者當於旁牌手若為一切時處好離官難者當於鉞斧手若為男女僕使者當於玉環手若為種種功德者當於白蓮華手若為欲得往生十方淨土者當於青蓮華手若為大智慧者當於寶鏡手若為面見十方一切諸佛者當於紫蓮華手若為地中伏藏者當於寶篋手若為仙道者當於五色雲手若為生梵天者當於軍遲手若為往生諸

天宮者當於紅蓮華手若為辟除他方逆賊
者當於寶戟手若為召呼一切諸天善神者
當於寶螺手若為使令一切鬼神者當於觸
髀杖手若為十方諸佛速來授手者當於數
珠手若為成就一切上妙梵音聲者當於寶
鐸手若為口業辭辯巧妙者當於寶印手若
為善神龍王常來擁護者當於俱尸鐵鉤手
若為慈悲覆護一切衆生者當於錫杖手若
為一切衆生常相恭敬愛念者當於合掌手
若為生生之處不離諸佛邊者當於化佛手

能三

二十

若為生生世世常在佛宮殿中不處胎藏中
受身者當於化宮殿手若為多聞廣學者當
於寶經手若為從今身至佛身菩提心常不
退轉者當於不退金輪手若為十方諸佛速
來摩頂授記者當於頂上化佛手若為果蓏
諸穀稼者當於蒲萄手如是可求之法有其
千條今粗略說少耳

日光菩薩為受持大悲心陀羅尼者說大神
呪而擁護之

南無勃陀瞿

上聲那上聲迷一

南無達摩莫訶低

一南無僧伽多夜泥_{三底切}以哩部畢薩_{沒僧}

切咄_{登沒}檐納摩

誦此咒滅一切罪亦能辟魔及除天災若誦一遍禮佛一拜如是日別三時誦咒禮佛未來之世所受身處當得一一相貌端正可喜

能三

廿一

果報

月光菩薩亦復為諸行人說陀羅尼咒而擁護之

深低帝屠蘇吒_一阿若蜜帝烏都吒_二深耆吒_三波賴帝_四耶彌若吒烏都吒_五拘羅帝

吒耆摩吒_六沙婆訶

誦此咒五遍取五色線作咒索痛處繫此咒乃是過去四十恒河沙諸佛所說我今亦說為諸行人作擁護故除一切障難故除一切惡病痛故成就一切諸善法故遠離一切諸怖畏故佛告阿難汝當深心清淨受持此陀羅尼廣宣流布於閻浮提莫令斷絕此陀羅尼能大利益三界衆生一切患苦縈身者以此陀羅尼治之無有不差者此大神咒咒乾枯樹尚得生枝柯華果何況有情有識衆生

身有病患治之不差者必無是處善男子此
陀羅尼威神之力不可思議不可思議歎莫
能盡若不過去久遠已來廣種善根乃至名
字不可得聞何況得見汝等大衆天人龍神
聞我讚歎皆應隨喜若有謗此呪者即爲謗
彼九十九億恒河沙諸佛若於此陀羅尼生
疑不信者當知其人永失大利百千萬劫常
淪惡趣無有出期常不見佛不聞法不覩僧
一切衆會菩薩摩訶薩金剛密跡梵釋四天
龍鬼神聞佛如來讚歎此陀羅尼皆悉歡喜

奉教修行

千手千眼觀世音菩薩廣大圓滿無礙大悲
心陀羅尼經

審大悲神呪

卷三

廿二

捺麼囉得捺_合得囉_合牙引牙捺麼阿唎牙
_合啞幹盧難帝說囉引牙布提薩咄引牙麼
曷引薩咄引牙麼曷引葛引嚕嚩葛引牙恒
爹塔唵薩唎幹_合板塔捺婁達納葛囉引牙

永樂北藏

千手千眼大悲心經

第四五冊

薩唎幹_{合二}巴_引鉞薩麼度_{合二}嚕_{合二}束攝納葛囉
引牙薩唎幹_{合二}月_引提不囉_{合二}攝麻捺葛囉
二牙薩唎幹_{合二}伊帝烏巴特囉_{合二}幹月捺_引
攝捺葛囉_引牙薩唎幹_{合二}杷宜熟_舌得囉_{合二}
引捺_舌牙怛薛捺麻麻屹哩_{合二}擔伊擔啞
引唎牙_{合二}啞幹_{合二}魯結帝說囉怛幹禰_引辣
竿刹捺_引麻紇哩_{合二}達巖啞_引幹唎怛_{合二}葉
沙_引唎薩唎幹_{合二}啞唎塔_{合二}嚕塔納束_{平聲}婆
疾怛捺薩哩幹_{合二}薩哆_引喃已_引鉢麻_引唎
葛月束塔葛怛爹塔_引啞幹魯吉魯葛麻疊

魯葛葛爹伊美歇麻曷布提薩咄_{合二}布提薩
咄_{合二}麻曷布提薩埵_{合二}不哩_{合二}牙布提薩唾
兮葛魯禰_舌葛思麻_{合二}囉紇哩_{合二}達巖伊兮
歇啞_引唎牙_{合二}啞幹嚕結帝說囉巴囉麻埋
引得哩_{合二}即_舌怛葛_引嚕禰_舌葛孤嚕孤
嚕葛唎末_{合二}薩塔牙薩塔牙微_{廿三}帝兮帝兮
迷啞曩葛莽葛末月秋葛末帝塔由吉說囉
哆呼哆呼尾_引唎顏帝麻曷_引尾_引唎顏帝
塔囉塔囉塔囉禰說囉囉辣囉辣尾麻辣啞
麻辣摩_引唎帝啞唎牙啞幹嚕結帝說囉屹

哩_{合二}室捺_{舌合}唧捺拶割麻孤割啞郎屹哩
二但攝哩囉嵐鉢不囉嵐鉢月嵐鉢麻曷引
席塔熟塔塔囉巴辣巴辣麻曷巴辣末辣麻
辣麻曷末辣囉辣囉辣麻曷囉辣屹哩_{合二}室
捺_{舌合}巴徹_{合二}屹哩_{合二}室捺_{舌合}幹嚧納_{合二}
屹哩_{合二}室納_{合二}巴引賒聃嚧渴_{平聲合二}但納_{合二}号
巴得末曷思達拶牙葛囉禰攝引拶哩_{合二}說
囉屹哩_{合二}室納_{合二}薩嚧巴_{合二}屹哩_{合二}但牙缺
身巴尾引但伊号歇吒囉引曷麻渴得哩_{合二}
布囉達曷禰引說囉捺引囉牙捺_{舌合}巴辣嚧

鉢微攝塔哩号禰辣竿刹号麻曷引曷辣引
曷辣月攝禰嚧唧_{合二}但盧葛薛囉引葛微攝
納攝納引堆攝微攝納攝納_{平聲合二}模曷微攝捺
攝捺你哩_{合二}木克_{合二}徹納呼盧呼盧門拶門
拶摩呼盧摩呼盧曷辣引曷辣麻曷巴特麻
二捺引潑薩囉薩囉席哩席哩蘇嚧蘇嚧勃
鐵勃鐵布塔牙布塔牙布塔牙咩但幹禰引
辣竿刹夷号歇引禰引辣竿刹夷号歇吒麻
思貼_{合二}但辛曷麻渴曷薩曷薩門拶門拶麻
曷割割哈薩引禰嚧捺爹你伊号歇蒲蒲麻

曷悉塔由吉說囉引班塔班塔引咱薩塔牙
薩塔牙微店思麻囉思麻囉喘合呼口号把葛
頑嚕葛月魯葛思端合恒塔葛達恒達歇迷
怛哩賒喃不囉薩塔牙迷莎訶席塔牙莎訶
麻曷席塔牙莎訶席塔由吉說囉牙莎訶禰
引辣竿刹牙莎曷能三囉曷摩渴牙莎曷辛曷
摩渴牙莎引曷麻曷引捺囉辛曷摩渴引牙
莎引曷引席塔重微疊塔囉引牙莎曷引巴
特麻合曷思塔二合牙莎引曷引麻曷引巴
特麻合曷思塔二合牙莎引曷引幹唎囉二合

曷思怛二合牙莎引曷麻曷幹唎囉二合曷思
怛二合牙莎引曷引屹哩合室納二合舌合薩嚩
巴二合屹哩合怛牙缺身切巴尾引怛牙莎引曷
麻曷引葛引辣麻孤劄塔囉牙莎引曷抄屹
囉二合由塔塔囉引牙莎引曷引商渴攝鼓
達二合禰捺二合怛捺葛囉牙莎引曷引布
塔捺葛囉牙莎引曷引唎末引思竿二合塔低
攝思鐵怛屹哩合室捺二合舌合啞唧捺引牙莎
曷引唎末訶思怛二合月乞囉重抄嚩麻二合
禰幹薩捺引牙莎引曷引盧雞說囉二合牙莎

永樂北藏

千手千眼大悲心經

第四五冊

郎倨切
澆也
旒
郎果切
蔓實也